

明覺禪師語錄

參 學 小 師 惟 蓋 竺 編



清刻龍藏佛說法變相圖

新編
乾隆大藏經

二八四

龍藏

明覺禪師語錄卷第一

九一

參學小師惟蓋竺編

住蘇州洞庭翠峯禪寺語

師在萬壽寺開堂日白樵了師云宗乘一唱三藏絕詮祖令當行十方坐斷其有達士不避死生賚上眉毛出衆相見問人天普集佇聽

九一

一

雷音學人上來乞師垂示師云十萬八千不是遠進云恁麼則大眾霑恩也師云後五日看問師唱誰家曲宗風嗣阿誰師云分明記取進云恁麼則昔日智門今朝和尚師云有甚麼交涉問如何是和尚爲人一句師云量才補職學云謝師方便師云自領出去師乃云一問一答總未有事在直饒乾坤大地草木叢林盡爲衲僧異口同聲各置百千問難也不消長老彈指一下並乃高低普應前後

無差曠祖佛之妙靈廓天人之幽迹如是則何假覺城東際五衆咸居古佛廟前此時衆畢

師在杭州靈隱受疏了衆請陞座時有僧問寶座先登於此日請師一句震雷音師云徒勞側耳進云恁麼則一音普偏於沙界大眾無不盡咸聞師云忽有人問爾作麼生舉僧云三十年後敢爲流芳師云賺了也師乃云天下絕勝之覺場靈隱導師之廣座暫借卑僧陞陟實愧非材豈敢於五百員納子前提

唱佛祖抑揚古今銜耀見知恥他先作假饒說得天雨四華地分六震於曹溪路上一點使用不著何以行脚高士有把定世界函蓋乾坤底眼誰敢錯悞絲毫其知有者必共相悉

師在靈隱諸院尊宿茶筵日衆請陞座僧問禪侶盡臨於座側未審師還說也無師云寰中天子塞外將軍進云恁麼則一震雷音滿大唐也師云看取令行師乃云上士相見一言半句如擊石出火警爾便過應非即言定旨滯句迷源從上宗乘合作麼生議論直得三世諸佛不能自宣六代祖師全提不起一大藏教詮注不及所以棒頭取證喝下承當意句交馳並同流浪其有知方作者相共證明

師到蘇州日僧俗迎在萬壽衆請上堂問向上一路千聖不傳和尚從何而得師云將謂是衲僧學云恁麼則大眾霑恩學人禮謝也師云龍頭蛇尾問選佛場開還許學人選也無師云切忌點額學云恁麼則心空及第歸

也師云塔下漢師乃云如天普蓋似地普擎
有如是自在具如是威德誰不承恩誰不景
慕過去諸聖於無量劫勤苦受盡所得祕要
法門今將普示大眾不用纖毫心力各請一
時驗取於此薦得便能求出四流高步三界
其或不知剛是諸人諱却

師初到院陞座僧問杖錫已居於此日請師
一句定乾坤師云百雜碎進云恁麼則海晏
河清去也師云非公境界問如何是佛法大
意師云龍吟霧起虎嘯風生問如何是祖師
西來意師云山高海闊進云學人不會師云
緊脩草鞋師乃云未來翠峯多人疑著及乎
親到一境蕭然非同善財入樓閣之門暫時
歛念莫比維摩掌中世界別有清規冀諸人
飽足觀光以資欣慰

上堂問答罷師乃云釋迦已滅彌勒未生正
當今日佛法委在翠峯放開捏聚總由者裏
放開也七縱八橫是處填溝塞壑捏聚也天
下老和尚盡在拄杖頭不消一劄

上堂僧問如何是實學底事師云針劄不入
進云乞師方便師云水到渠成問如何是教
外別傳一句師云看看臘月盡學云恁麼則
流芳去也師云癡子喫苦瓜問言迹之興異
途之所由生不犯鋒銓請師道師云誰家無
白月清風進云還當也無師云土上加泥漢
師乃云劙輪飛處日月沉輝寶杖敲時乾坤
失色衆魔從茲膽裂千聖由是眼開其如二
聽不圓震迅雷而莫覺孤根將敗霈春雨以
非滋致使凡聖岐分悟迷汎列奔馳七趣汨
沒四流重業相纏無有休日爾諸禪德覲善

參詳如人上山各自努力

上堂僧問昭昭於心目之間而相不可覩晃
晃在色塵之內而理不可分既於心目之間
爲甚麼不覩其相師云華須連夜發莫待曉

風吹進云恁麼則雲散家家月師云毗婆尸

佛早留心僧方禮拜師以拄杖打一下云不

得放過問猿抱子歸青嶂後鳥喚華落碧巖
前古人意旨如何師云夾山猶在學云和尚
如何師云依稀似曲纔堪聽又被風吹別調
中僧却問如何是翠峯境師云春至桃華亦
滿溪僧禮拜師云山僧今日敗闕有人點檢
得出許他頂門上一隻眼便下座

上堂僧問古人借問田中事插鋏又手意如
何師云人從陳州來不得許州信問古人道
有讀書人到來意旨如何師云且在門外立

學云請師相見師云任是顏回亦不通師乃
云立賓立主剜肉作瘡舉古舉今拋沙撒土
直下無事正是無孔鐵槌別有機關合入無
間地獄明眼衲子應須自看

上堂僧問古人一喝不作一喝用是否師云

是僧便喝師便棒僧無語師云譖我問古人

道有佛法處不得住無佛法處急走過意旨

如何師云氣急殺人僧擬議師云甚麼處去
也問只在目前爲恁麼再三不覩師云截耳

臥街僧云恰是師云令我攢眉間黑豆未生

芽時如何師云餒驢餒馬進云生後如何師
云透水透沙僧禮拜師云一似不齋來問功
巧諸技藝盡現行此事如何是此事師云諸
方榜樣進云莫便是學人會處也無師云有
頭無尾漢師乃云過去諸如來斯門已成就

放過一著現在諸菩薩今各入圓明兩重公
案未來修學人總被翠峯穿却鼻孔

上堂云智者聊聞猛提取莫待須臾失却頭
間丹霄獨步時如何師云脚下踏索進云天
下橫行去也師云徐六擔板問學人乍入叢
林諸事不會未審師還拯濟也無師云蘇州
紙貴進云和尚豈無方便師云腦後拔櫛師
云爐鞴之所固無鈍鐵良醫之門誰是病夫
向後鼻孔遼天莫辜負人好

便下座
上堂纔有僧出禮拜師云大眾一時記取者
僧話頭便下座
上堂大眾雲集以拄杖拋下云棒頭有眼明
如日要識真金火裏看

上堂云從天降下從地湧出南北東西一棚
俊鶻顧杼停機苦屈苦屈

上堂云古人道譬如擲劔揮空莫論及之不
及斯乃空輪絕跡劔刃非虧好諸禪德若能
如是心心無知即是踞妙峯孤頂非但善財
七日不逢設使文殊百劫親來也摸撲不著
上堂有僧出禮拜了方伸問師云啼得血流
無用處便下座

上堂云藏鋒劔客便請施呈有僧方出來師
云什麼處去也便下座

上堂云語漸也返常合道且任諸人點頭論
頓也不留朕跡衲僧又奚爲開口師以拄杖
一劃云上無衝天之計下無入地之謀蔡州
千箇萬箇打破只在須臾

上堂問答罷乃云映眼時若干日萬像不能

九一

六

逃影質凡夫只是未曾觀何得自輕而退屈
師拈起拄杖云把定世界不漏絲髮還觀得
也無所以雲門大師道直得乾坤大地無纖
毫過患分只是轉句不見一色猶爲半提直
得如此更須知有全提時節諸上座翠峯若
也全提盡大地人並須結舌放一線道轉見
不堪以拄杖一時趨下

上堂僧問如何是翠峯境師云有眼底見學
云如何是境中人師云貪觀白浪失却手橈
問如何是和尚家風師云客來須看進云恁
麼則學人得見也師云三十年後問如何是
第一義師云道士倒騎牛學云乞師再垂方
便師云無孔鐵槌問道遠乎哉師云青山夾
亂流學云恁麼則得聞於未聞去也師云千
里萬里師乃云大衆前共相訓唱也須是箇

漢始得若未有奔流度刃底眼不勞拈出所
以道如大火聚近著則燎却面門亦如按太
阿寶劍衝前則喪身失命師乃頌云太阿橫
按祖堂寒千里應須息萬端莫待冷光輕閃
爍復云看看便下座

拈古

九一

七

舉米胡問僧近離甚處僧云藥山米云藥山
近日如何僧云大似頑石一般米云得恁麼
鄭重僧云也無提撥處米云非但藥山米胡
亦恁麼僧近前顧視而立米云看看頑石動
也其僧便出師拈云米胡也縱奪可觀爭奈
死而不弔

舉罽賓國王仗劍詣師子尊者所乃問師得
蘊空否尊者云已得王曰可施我頭尊者曰
身非我有豈況於頭王遂斬之白乳高丈餘

王臂自落師拈云作家君王天然有在

舉鏡清於僧堂前自擊鍾子云玄沙道底玄
沙道底時有僧出來云玄沙道什麼鏡清作
一圓相僧云若不久參爭知恁麼清云還我
草鞋錢來師拈云洎被打破蔡州

舉寶公云終日拈香擇火不知身是道場玄

沙云終日拈香擇火不知真箇道場師拈云

一對無孔鐵槌

舉五通仙人問佛云佛有六通我有五通如
何是那一通佛召五通仙人仙人應喏佛云
那一通爾問我師云老胡元不知有那一通
却因邪打正

舉恩和尚令石頭送書去讓和尚處云迴日
與子箇鉗斧子住山去石頭纔到讓和尚處
便問不慕諸聖不重己靈時如何讓云子問

令

九一

太高生何不向下問將來石頭云乍可永劫
沉淪不求諸聖解脫便歸思和尚問書達否
右頭云書亦不達信亦不通去日蒙和尚許
鈍斧子便請思垂下一足石頭便禮拜師拈
云石頭洎擔板過却又云大小讓師不解據
舉長髭到石頭處頭問什麼處來髭云嶺南
來石頭云大庾嶺頭一鋪功德還成就也未
髭云成就久矣只欠點眼石頭云莫要點眼
麼髭云便請石頭垂下一足髭便禮拜石頭
云見什麼道理便禮拜髭云如紅爐上一點
雪石頭便休師拈云無眼功德有什麼點處
德山和尚到龍潭問久響龍潭及乎到來潭
又不見龍又不現龍潭云子親到龍潭德山
便休去師拈云將錯就錯又云大小德山

師一日因事舉往日有老宿一夏不爲師僧

說話有僧自歎云我只恁麼空過一夏不望和尚說佛法得聞正因兩字也得老宿聊聞云閣梨莫_斯速若論正因一字也無恁麼道了扣齒云適來無端恁麼道隣壁有老宿聞

云好一釜羹被兩顆鼠糞汚却師拈云誰家鍋金無一兩顆

觀和尚見新到來觀作麵引次示之其僧便去觀晚間問第一座今日新到在什麼處第一座云當時去也觀云是即是只得一橛師拈云老觀大似失錢遭罪

舉外道問佛不問有言不問無言世尊據坐外道禮拜云世尊大慈大悲開我迷雲令我得入外道去後阿難問佛外道有何所證而言得入佛云如世良馬見鞭影而行師拈云

邪正不分過猶鞭影

傳大士云夜夜抱佛眠朝朝還共起起坐鎮相隨如身影相似要識佛去處只者語聲是玄沙云大小傳大士只認得箇昭昭靈靈師拈云玄沙也是打草蛇驚

寶公令人傳語思大和尚何不下山教化衆生目視雲漢作什麼思大云三世諸佛被我一口吞盡何處更有衆生可度師拈云有什麼屎臭氣

趙州云至道無難唯嫌揀擇纔有語言是揀擇是明白老僧不在明白裏是爾作麼生護惜時有僧問云既不在明白裏護惜箇什麼州云我亦不知僧云和尚既不知爲什麼道不在明白裏州云問事即得師拈云趙州到退三千

南泉示衆云三十年來牧一頭水牯牛欲擬東邊放不免侵他國王水草欲擬西邊放不免侵他國王水草不如隨分納些子免被官主勞撓長慶云爾道南泉前頭爲人後頭爲人雲門云且道牛內納牛外納直饒道得納處分明我更問你牛在甚處師拈云一時穿却

鄧隱峯在襄州破威儀堂只著襯衣於砧槌邊舉槌云道得即不打于時大衆默然隱峯便打一下師拈云果然果然

僧問玄沙大耳三藏第三度爲什麼不見國師玄沙云爾道前來兩度還見麼師拈云敗也敗也

室中舉古

舉睦州問僧近離甚處僧云河北睦州云河

北有箇趙州和尚曾到麼僧云某甲近離彼中睦州云趙州有何言教示徒僧云每見新到便問曾到此間來麼云曾到趙州云喫茶去忽云不曾到趙州亦云喫茶去睦州云慚愧却問僧趙州意作麼生僧云只是一期方便睦云苦哉趙州被爾將一杓屎潑了也便打睦州却問沙彌爾作麼生沙彌便禮拜睦州亦打其僧往沙彌處問適來和尚打爾作什麼沙彌云若不是我和尚不打某甲師云者僧克由叵耐將一杓屎潑他二員古佛諸上座若能辯得非唯趙睦二州雪屈亦乃翠峯與天下老宿無過若道不得到處潑人卒未了在

舉僧問長慶如何是正法眼慶云有願不撒沙保福云不可更撒也師云夫宗師決定以

本分相見不敢撒沙且那箇是諸人正眼不受人瞞底漢出來對衆道看共相知委若道不得翠峯一一與爾點過開眼也著合眼也著

舉黃檗有六人新到五人作禮其中一人提

起坐具作一圓相檗云我聞有一獵犬甚惡

僧云尋靈羊聲來檗云靈羊無聲到汝尋僧

云尋靈羊跡來檗云靈羊無跡到汝尋僧云

尋靈羊蹤來檗云靈羊無蹤到汝尋僧云恁麼則死靈羊也黃檗便休到來日上堂云獵

犬在甚處僧便出來檗云昨日公案未了老僧休去你作麼生僧無語檗云將謂是本分衲子元來是義學沙門以拄杖打出師云只如聲響蹤跡既無獵犬向甚處尋逐莫是絕聲響蹤跡見黃檗麼諸禪德要明陷虎之機

也須是本分衲子

舉外道問佛不問有言不問無言世尊良久外道云世尊大慈大悲開我迷雲令我得入師云諸禪德迷雲既開決定見佛還許他同參也無若共相委知則天下宗師並爲外道伴侶如各非印證則東土衲僧不如西天外道

舉龍牙和尚問翠微如何是祖師西來意翠微云與我過禪板來牙取禪板與翠微接得便打牙云打即任打要且無祖師意後又問臨濟如何是祖師西來意濟云與我過蒲團來牙取蒲團與臨濟接得便打牙云打即任打要且無祖師意師云臨濟翠微只解放不接收我當時若作龍牙待伊索蒲團禪板拈得傍脣便擲

舉禪樹問定山不落數量請師道定山提起
數珠云是落不落樹云圓珠三竅人人有請
師圓前話山便打禪樹便去定山云三十年
後槌脣大哭去在禪樹果後開堂示衆道三
十年前被定山老子瞞我一上不同小小師
云定山用即用爭奈險禪樹知即知要且未
曾具擇法眼試請辯看

舉雪峯問投子一槌便成時如何投子云不
是性慤漢峯云不假一槌時如何投子云者
漆桶師云然則一期折挫雪峯且投子是作
家爐鞴我當時若作雪峯待投子道不是性
慤漢只向伊道鉗槌在我手裏諸上座合與
投子著得箇什麼語若能道得便乃性慤平
生光揚宗眼若也顛頽頂上一槌莫言不道
舉趙州問僧曾看法華經麼僧云看來州云

衲衣在空閑假名阿練若誑惑世間人爾作
麼生會其僧擬禮拜州云爾披衲衣來麼僧
云披來州云莫惑我僧云如何得不惑去州
云莫取我語師云大小趙州龍頭蛇尾諸人
若能辯得便乃識破趙州如或不明箇箇高
九一
十三

擁衲衣莫惑翠峯好

舉長鬆問僧甚處來僧云九華控石菴鬆云
菴主是什麼人僧云馬祖下尊宿鬆云名什
麼僧云不委他法號鬆云他不委爾不委僧
云尊宿眼在甚處鬆云若是菴主親來今日
也須喫棒僧云賴遇和尚放過某甲鬆云百
年後討箇師僧也難得師云是則二俱作家
要且只解收虎尾不能據虎頭若使德山令
行並須瓦解

舉保福示衆云此事如擊石火閃電光構得

構不得未免喪身失命僧便問未審構得底人還免喪身失命也無保福云適來且致闇

黎還構得麼僧云若構不得未免大眾笑保

福云作家作家僧云是什麼心行福云一杓

屎攔面潑不知臭師云諸上座保福有生擒

虎兒底爪牙者僧也不易相敵雖然如此要

且放過保福一著只如翠峯與大眾還許諸

方檢責也無若免不得平地上死人無數其

中有得活底麼師拈起拄杖云來也來也

舉歸宗鋤草次見一條蛇以鋤斬之僧見便

問久響歸宗元來是箇龐行沙門宗云爾龐

我龐後雪峯問德山古人斬蛇意旨如何德

山便打雪峯便走德山召云布衲雪峯迴首

德山云他後悟去方知老漢徹底老婆心師

云歸宗只解慎初不能護末德山頗能據令

且未明斬蛇師召大眾云看翠峯今日斬三
五條以拄杖一時打下

勘辯

問僧甚處來僧云和尚問誰師云我問爾僧

云何不領話師云翠峯今日敗闕

寶華侍者來看師師問寶華多少衆侍者云
不勞和尚如此師云我好好問爾勃逃作什
麼侍者云不得放過師云真師子兒喫茶了
師把住云適來得恁麼無禮侍者擬議被師
一掌云歸去分明舉似寶華

有數人新到至師云新到那僧云是師云參

堂去僧便去師復喚來來其僧却迴師云洞

庭難得師僧與爾一椀茶喫

問僧甚處受業僧云天章師云將得蘭亭記
來麼僧云爭敢呈似和尚師云草本不勞拈

古

出

五人新到師云洞庭絕頂無行路不假梯航
速道看僧云特來禮拜和尚師云湛水停舟
徒誇運濟僧無語師云過者邊來其僧齊過
師云將頭不猛悞累三軍叅堂去

問僧名什麼云義懷師云何不名懷義僧云
當時致得師云誰與汝安著僧云某甲受戒
來十年也師云行脚費却多少草鞋僧云和
尚莫瞞人好師云我也没量罪過爾作麼生
僧無語師云脫空謾語漢便打

九一

十五

問新到近離甚處僧云興教師云達磨一宗
掃土而盡僧無語師云天上天下唯我獨尊
復問僧閣梨名什麼僧云宗雅師云雅即不
問作麼生是宗僧無對師云且限三日其僧
頻來下語師皆不諾僧却問某甲見處只恁

麼和尚作麼生師云爾何不問我僧方擬問
被師連打數下
問新到發足甚處僧拍掌一下師云兩重公
案僧云恰是師便喝僧無語師云還我一拍
來僧擬議師云瞎漢叅堂去

六人新到師問叅頭夫爲上將須是七事隨
身兩刃交鋒作麼生僧云久響翠峯有此一
著師云一著放過還我草鞋錢來僧喝師便
棒僧約住拄杖與師一拍師云未到翠峯與
爾二十棒了也僧無語師云且在一邊却問

第二副將作麼生僧茫然師云一狀領過喫
茶了師把住叅頭云適來公案者裏即恁麼
堂中作麼生舉僧擬議師打一坐具推出
雪峯和尚塔銘并序

夫從緣有者始終而成壞非從緣得者歷劫

而常堅堅之則在壞之則捐雖然離散未至
何妨預置者哉所以疊石結室翦木合函般
土積石爲龕諸事已備頭南脚北橫山而卧
惟願至時同道者莫違我意知心者不易我
志深囑載囑幸勉勵焉縱饒他日邪造顯揚

豈如當今正眼密弘善思之審思之 師註

兄弟添十字

云國無二君
又云知麼

同心著一儀

云風行草

偃又云
直與云
獨露相

土主曰松山

云四顧匪
絕又云看

卵塔號難提

倚又云
峻又云
自南自北
須知又云會也

更有胡家曲

云一西一東
汝等切
又云大難
又云河河

我唱泥牛吼

云聞莫舉頭

汝和木馬嘶
然又云吁
去誰同又云好住

但看五六月

云豈可徒

水片滿長街

云事非草
去云須到如此

密室爛如泥

又云努力

受師號上堂僧問皇恩已降海衆同觀學人
上來願聞舉唱師云好音在耳人皆聽進云

聽後如何師云問著元來總不知僧云學人
到者裏實謂不知師云許爾是箇草賊復云
禪家流還如戰將見鬪勇健索不來即便擒
下雖一期之作爭似借水獻華唱太平歌好
夜雨山草滋爽籟生古木閑吟竺仙偈勝於
嚼金玉蟋蟀啼壞牆苟免悲局促道人優曇
華迢迢遠山綠是知道無不在誰云閒然故
天有道以輕清地有道以肅靜谷有道以盈
滿君有道以敷化故我今上皇帝金輪統御
穀澤霧流草木禽魚無遠不及巖野抱疾之
士俄承寵光此生他生無以云報賢守司封
高扶堯舜下視龍黃襲千載之雅風鎖萬邦
之春色佇當明詔別振休聲貳車屯諸廳
朝宰不敢飾辭褒讚仲尼言云吾禱久矣
住明州雪竇禪寺語

師開堂日於法座前顧謂大眾云若論本分
相見不必高陞寶座乃以手指一劃云諸人
隨山僧手看無量諸佛國土一時現前各各
子細觀瞻其或涯際未知不免拖泥帶水即
便陞座僧正宣疏了維那白槌云法筵龍象
衆當觀第一義時有僧出來師乃約住云如
來正法眼藏委在今日放行則瓦礫生光把
定則真金失色權柄在手殺活臨時其有作
者相共證據僧乃問遠離翠峯祖席已屆雪
竇道場未審是一是二師云馬無千里謾追
風進云與麼則雲散家家月也師云龍頭蛇
尾漢問德山臨濟棒喝已彰和尚如何接人
師云放過一著僧擬議師便喝僧云未審只
與麼別有在師云射虎不真徒勞沒羽問布
髮掩泥因底事全身半偈爲誰施師云天上

問十方同聚會箇箇學無爲此是選佛處心
空及第歸如何得及第去師云徒遭點額進
云如此則辜負平生也師云教休不肯休問
一焚龍鬪萬像咸臻未審是何境界師云金
殿草漫漫進云向上更有事也無師云白雲
千里萬里問吹大法螺擊大法鼓朝宰臨筵
如何即是師云清風來未休進云與麼則得
遇於師也師云一言已出駟馬難追僧禮拜
師云放過一著師又普觀大眾一迴乃云人
天普集合發明箇什麼事焉可互分賓主馳

騁問答便當宗乘去廣大門風威德自在輝
騰今古把定乾坤千聖只言自知五乘莫能
建立所以聲前悟旨猶迷顧鑑之端言下知
宗尚昧情識之表諸人要知真實相爲但以
上無攀仰下絕已躬自然常光見前箇箇壁
立千仞還辯明得也無未辯取未明明取
旣辯明得能截生死流同踞祖佛位妙圓超
悟正在此時堪報不報之恩以助無爲之化
師在翠峯受疏日洞庭檀越與明州專使相
爭紜紜不已師乃陞座普告大衆不須作鬧
事在況僧家也無固無必住則孤鶴冷翹松
頂去則片雲忽過人間應非彼此殊源動靜
乖趣今與諸人評議念三二年洞庭晦迹承
四遠信心恩顧棲衆方諧舊轍藏教復乃新
歸豈可知感頓忘遽致前邁誠爲不可而又

四明太守星馳介使輞重俄臨旣已跋涉數
州迢遞千里投誠苦逼一至於斯進退審詳
不能自決敢問大衆住翠峯好往雪竇好于
時衆僧高聲云往雪竇好師乃顧謂洞庭諸
檀越云不用爲訝宜各知時且佛法委自王
九臣兼住持亦以緣斷在彼在此本無間然希
披疏文以塞來命便下座

師至晚小參僧問四明侯伯遠降公文未涉
程途請師速道師云劄進云鄞江一枝今日
獨秀師云不許夜行師乃云諸仁者未有長
行而不住未有長住而不行古之今之各有
攸往且如茲院僻處一隅若非念報佛恩無
以四來居此恐山僧進發之後法席空虛今
命素公開士接續住持幸與衆慈同心勸請
師辭翠峯上堂僧問承學士有言輞翠峯之

袒席登雪竇之道場如何是不動尊師云下坡不走快便難逢進云與麼則動若行雲止猶谷神師云你須緊帽草鞋師乃云山僧斯者抑徇彼請難可稽留束裝告行但多攀感況住持久煩勤舊備認歲寒希各務道專致以副誠祝其有參隨諸高士動逾千里俯近百僧忽齊粥踈遺船車隘窄異相回互禪悅自貽則佛國徧遊亦不爲遠何以諸禪德去來不以象故無器而不形動靜不以心故無感而不應然則心生於有心象出於有象象非我出故金石流而不燋形非我生故日用而不勤纏纏自彼於我何爲請諸人高挂征帆不勝珍重

云虛僧擬議師便喝者般漢有什麼死急問翠峯一箭已射雪竇雪竇一箭當射何人師云不爲鼴鼠發機進云非但聞名今日親見師云添得一場愁僧禮拜師云若是便休師乃云萬壽門下一作家蓋是強將之兵也然雖如此保福有言擊石火閃電光構得構不得未免喪身失命若教據令而行盡蘇臺一境人箇箇三頭六臂到翠峯手裏也須瓦解冰消如今放過一著分付萬壽和尚師到秀州百萬道者備茶筵請陞堂僧問赴請雪竇先至嘉禾向上宗乘請師舉唱師云鳥啼處處皆相似進云與麼則得聞於未聞也師云不是苦心人不知僧擬進語師便喝僧禮拜師云別有問話者出來問如何是教外別傳一句師云三生六十劫進云學人未

會師云碧眼胡僧笑點頭師乃云山僧此者承鄆江太守之命俾赴雪竇住持再至嘉禾彌增嘉幸仍承百萬道者曲賜周勤仰荷之懷無以忘也兼勞廣命碩德抑令舉唱宗乘况達士相逢非存目擊若云言中有響句裏呈機猶曲爲中下之流向本分衲僧遠之遠矣祇如適來僧問教外別傳一句對云三生六十劫諸人還知落處也無且鷺池鷺嶺海甸菴園三百法會之中甚處有者箇消息所以道三世諸佛不能自宣一代時教詮注不及除非知有莫能知之久立衆慈伏惟珍重師到靈隱衆請陞座僧問遠別翠峯丈室將屆雪竇道場如何是不動尊師云看風使帆進云恁麼則觀方知彼去去者不至方師云龍頭蛇尾問如何是祖師西來意師云點進

云猶有者箇在師云三十年後進云與麼則翠峯今日瓦解冰消師云有些子師乃云莫是與上座相爭然則論戰也箇箇力在箭鋒相柱又須是箇特達漢始得若意根尚滯直須向前決擇所以長沙和尚道百尺竿頭坐底人雖然得入未爲真百尺竿頭須進步十方世界是全身僧舉問南泉百尺竿頭如何進步泉云更進一步僧復問瓦官官云百尺竿頭用進作什麼僧不肯官便打師云大眾古人機變出在一時其間別有商量亦未言著且如雪竇今日再入靈隱也似百尺竿頭依南泉之言得進一步喜與大眾相見則十方世界一時周而便下座

師到越州承天寺衆請陞座僧問學人不問西來意藏身北斗意如何師云拈頭作星漢

進云請師答話師云西天令嚴問有問有答賓主歷然無問無答時如何師云古路草漫漫進云若不上來焉知與麼師云利劍不斬死漢師乃云作者相見一拶一捺撩起便行若佇思停機卒摸揀不著若言問在答處答

在問宗箇箇依草附木問不在答處答不在問宗罕見頂上有眼諸人還薦得也無薦得薦不得並是新雪竇之過且莫鈍致承天和尚

越州檀越備茶筵請師陞座僧問檀越殷勤

伸三請乞師方便指迷津師云不許夜行投明須到進云非但學人四衆有賴師云百年後問如何是祖師西來意師云迢迢十萬餘僧禮拜師云拄杖不在師乃云諸檀信山僧暫以經過邂逅相遇何沐特隆異待抑俾

敷揚且如承天和尚寅暮流慈諸人況是墨聞已絕希冀何必更煩雪竇重爲發宣真鱗三世聖人六代開士利生間出故不敢錯詐諸人絲毫然雖與麼放過即不可良久云不解作客勞煩主人

師歸寺上堂有僧問如何是雪竇正主王九

師云朝三千暮八百問如何是雪竇境師云天無四壁進云如何是境中人師云月在中峯進云與麼則從苗辯地因語識人師云是

僧禮拜師云酌海持蠡一場困苦師乃云甚

生標格還知也無諸禪德祖佛不能宣傳天
地不能覆載二乘聞之膽裂十地到此竊驚
其或達士切磋頗逢決戰一揆一捺略露風
規句滯則獄立磨空源迷則雲橫布野所以
先聖道一言纔舉千車同轍該括微塵猶是
化門之說你衲僧合作麼生覩自知時便下

座

上堂僧問承師有言三更過鐵門意旨如何
師云忠言不避截舌僧禮拜師云臨筌方覺
取魚難問千山萬水穿雲去撥草瞻風事若
何師云蹋破草鞋進云爲什麼如此師云人
無遠慮必有近憂問如何是向去底人師云
伊蘭樹下坐進云却來時如何師云白日繞
須彌進云天上天下唯我獨尊師云二頭三
手漢問承師有言釋迦老子出氣不得甚處

諸訛師云君子千里同風進云與麼則殃及
子孫也師云素非鴨類師乃云諸禪德直饒
文殊辯說認螢火爲太陽居士杜詞指魚目
同明月所以雪竇尋常道威音王已前無師
自悟是第二句還我第一句來若未能把定

要津不免奔馳南北

上堂因僧送拄杖上師師拈起成頌云清峻
孤根別有靈勢含山水自分明提來勝得豐
城劍報盡人間兩不平復云大凡以平報不
平是義烈常準以不平報不平爲格外清規
亦猶以智遺惑頗逢下士以智遺智罕遇作
家要會兩不平麼諸人也沒量罪過雪竇也
沒量罪過雪竇過自能檢責你者漆桶不打
更待幾時以拄杖一時趁下

冬至上堂僧問鼓聲纔罷衆齊臻新節一

句請師垂示師云三日前五日後進云與麼則聞於未聞師云索短不構深泉問文殊仗劖其意如何師云八十老僧閑灌頂進云學人不會師云四溟無浪月輪孤僧良久師喝

云甚處去也僧禮拜師云放過一著師乃云

相逢不拈出舉意便知有早是不唧噥漢更

亂踢步向前實謂苦屈諸禪德看他先覺未離兜率已降闍浮未出母胎度人已訖若言周行七步目顧四方天地之間唯我獨尊尚有人不放伊過如今巧說異端不肯荷負真可哀愍所以道天魔外道是辜恩德漢聲聞二乘是自欺誑人你見如此不平之事便合憤悱驅將去喝將去隨例道我不知不會者般底苦海裏有什麼出頭時

上堂云形與未質名起未名形既兆遊氣

亂清師拈起拄杖云大眾拄杖子是形名雙舉還有過也無有即水裏月無即形名兆若也究得實謂恩大難酬

上堂云未出母胎見成公案周行七步過犯彌天更入鹿野苑中枝蔓上復生枝蔓乃拈

九一
三五
起拄杖云吽吽便下座

上堂僧問如何是觸目菩提師云風動塵起鳥飛落毛進云乞師再垂方便師云洎被打破蔡州問如何是教外別傳一句師云好問進云還許學人領會也無師云有頭無尾漢

師乃云諸仁者夫宗師唱遵譬若滄溟上客獨泛蘭舟月渚煙波隨情放曠欲拋香餌須待長鯨縱有纖鱗應無希冀

上堂云一徑直一周遮衲子辯得眼裏生華便下座

上堂僧問達磨西來單傳心印諸方爲什麼

各說異端師云誰進云爭柰即今何師云西天令嚴進云與麼則入水見長人師云韓信臨朝底問三通鼓罷羣賢集請師拋下御前題師云長因送人處憶得別家時進云與麼

則退身三步師云依舊漁翁把釣竿問不除

妄想不求真底是什麼人師云一宿覺進云與麼則天上天下唯我獨尊師云一撥便轉師乃云大凡出衆切磋也須是本分禪客若未具啐啄同時眼卒摸擦不著

上堂衆方集定師云不用低頭思量難得便

下座

上堂云直釣釣鯢鯨曲釣釣龜黿油釣若在鯤鯨理應未可直釣若在龜黿情亦不甘如今拋釣也負命者上釣來良久云勞而無功

便下座

上堂衆集定師起立云雪竇得與麼長諸人得與麼短若人道得齊肩句許伊把定乾坤便下座

上堂云久雨不晴衲僧向甚處曬眼皮草便

下座

上堂云布袋裏盛錐子不出頭是好手復云大眾雪竇錐頭出也莫有傍不肯底禪客出來良久云諸人既乃縮頭且聽諸方檢責

月覺禪師語錄卷第一

音釋

剜鳥歡切刻削也
初觀身衣也近靈音零與裨音卑憊蘇到切
頽莫安切許安切
桶倉胡切興麤同鼴音今鼴融音離瓠也